

UGOVOR

1. Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida (Skraćeni naziv: Fond memorijala), ul. Širokac 22, Sarajevo, koga zastupa direktor Zijadić Suad, prof. (u daljem tekstu: Ugovorni organ)
2. Društvo za proizvodnju, zastupanje, marketing i usluge „ EURO VEZ “, Rosulje – Jelah b.b., Tešanj, koga zastupa direktor Ljevaković Mirsad (u daljem tekstu: Dobavljač)

I PREDMET UGOVORA

Član 1.

Predmet ovog Ugovora je izrada i dostavljanje replika ratnog obilježja, a sve prema Specifikaciji Ugovornog organa i Ponudi Dobavljača od 20.11.2017.godine, koje su sastavni dio ovog ugovora.

II CIJENA I NAČIN PLAĆANJA

Član 2.

Ukupna vrijednost po prodajnim cijenama iznosi 2.445,00 KM
PDV17% u iznosu od 415,65 KM

Ugovorne strane su saglasne da ukupna vrijednost ugovora sa uključenim PDV- om od 17 % iznosi

2.860,65 KM

(slovima:dvijehiljadeosamstotinašezdeset i 65 /100KM)

Član 3.

Ugovorne strane su saglasne da će Ugovorni organ platiti Dobavljaču vrijednost ugovora nakon isporuke predmeta ugovora, a u roku 15 (petnaest) dana od datuma prijema uredno ovjerene fakture.

III ROK IZVRŠENJA PREDMETA UGOVORA

Član 4.

Ugovorne strane su saglasne da je rok izvršenja predmeta ugovora 30 (trideset) kalendarskih dana od dana obostranog potpisivanja ugovora.

Član 5.

Ugovoreni rok se može produžiti samo:

1. u slučaju zakašnjenja uvođenja u posao, za onoliko dana koliko je trajalo to zakašnjenje,
2. u slučaju više sile, za onoliko dana koliko su trajali razlozi produženja izazvani tom silom.

Član 6.

U slučaju kašnjenja u isporuci naručenih zastava, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1 % naručenih zastava, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupne ugovorene vrijednosti zastava.

Dobavljač je dužan ugovornu kaznu platiti u roku od 7 /sedam/ dana od dana prijema zahtjeva za plaćanje od strane Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati, niti ih predvidjeti.

IV MJESTO ISPORUKE

Član 7.

Ugovorne strane su saglasne da je mjesto isporuke predmeta Upravna zgrada Fonda memorijala, ulica: Širokac broj 22, Kovači-Sarajevo.

V OBAVEZE UGOVORNIH STRANA

Član 8.

Dobavljač se obavezuje:

- da rukovodi izvršenjem svih usluga;
- da omogući Ugovornom organu uvid u prvi primjerak izrađene replike, i da tek po odobrenju nastavi sa daljnim radom;
- da odmah, po zahtjevu Ugovornog organa, pristupi otklanjanju uočenih nedostataka i propusta u obavljanju posla;
- da nadoknadi svu štetu Ugovornom organu, koja bude prouzrokovana njegovom krivicom.

Ugovorni organ se obavezuje:

- da po dogovorenom terminu i planu Dobavljača uvede u posao. Pod uvođenjem u posao podrazumijeva se obezbeđenje svih potrebnih uslova za nesmetano obavljanje posla - dostava fotografija na kojima je prikazano kako replike ratnih obilježja trebaju izgledati;
- da Dobavljaču isplati vrijednost ugovora nakon izvršenja usluge iz člana 1. ovog Ugovora.

VI RASKID UGOVORA

Član 9.

Ugovorne strane su saglasne da do raskida ovog ugovora može doći ako Ugovorni organ uvidom u prvi primjerak izrađene replike ustanovi da kvalitet pruženih usluga ili način na koje se pružaju, odstupa od traženog, odnosno ponuđenog kvaliteta iz ponude Dobavljača i zaključenog ugovora.

Ugovorni organ je obavezan da u slučaju uočavanja propusta u obavljanju posla pisanim putem pozove Dobavljača i da putem Zapisnika zajednički konstatuju uzrok i obim uočenih propusta. Ukoliko se Dobavljač ne odazove pozivu Ugovornog organa, Ugovorni organ angažuje treće lice na teret Dobavljača.

VII OPĆE I ZAKONSKE ODREDBE

Član 10.

Količinski prijem materijala izvršit će se u prostorijama Ugovornog organa.

Član 11.

Dobavljač se odriče prava otkazivanja izvršenja posla preciziranog u predmetu ugovora.

Član 12.

Ugovorene strane su saglasne da eventualno nastale sporove rješavaju putem svojih ovlaštenih zastupnika sporazumno, a ukoliko nastali spor ne budu mogle riješiti na predviđeni način, isti će rješavati nadležan sud u Sarajevu.

Član 13.

Ugovorne strane prihvataju prava i obveze što proizlaze iz ovog Ugovora stavljanjem vlastoručnih potpisa.

Član 14.

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 15.

Ugovor stupa na snagu danom obostranog potpisivanja i ovjeravanja ugovora od strane ovlaštenih zastupnika ugovorenih strana.

ZA UGOVORNI ORGAN
DIREKTOR

Zijadžić Suad, prof.

FOND MEMORIJALA

e y



Broj:13-14-02-609/17
Sarajevo, 23.11.2017.godine

ZA DOBAVLJAČA
DIREKTOR
Ljevaković Mirsad

FOND MEMORIJALA



Broj:
Sarajevo,